

返生香

册二

圖書在版編目(CIP)數據

返生香 / (明)葉小鸞著. —上海: 上海古籍出版社, 2015. 1

ISBN 978-7-5325-7467-4

I. ①返… II. ①葉… III. ①古典詩歌—詩集—中國—明代 IV. ①I222.748

中國版本圖書館 CIP 數據核字(2014)第 257965 號

ISBN 978-7-5325-7467-4



返生香(全二冊)〔明〕葉小鸞 著

出版

上海世紀出版股份有限公司
上海古籍出版社

(上海瑞金二路二七二號 郵政編碼 200020)

(一) 網址: www.guji.com.cn

(二) E-mail: guji1@guji.com.cn

(三) 易文網網址: www.ewen.co

發行 上海世紀出版股份有限公司發行中心

印刷 杭州蕭山古籍印務有限公司

開本 700毫米 乘 1380毫米 六分之一

印張 三八

印數 1—1000

版次 二〇一五年一月第一版

二〇一五年一月第一次印刷

書號 ISBN 978-7-5325-7467-4/I·2881

定價 貳佰玖拾捌元

疏香閣附集

詩

甥女葉瓊章哀詞

沈自炳

維重陰之沍節歲道盡而沈臧天窮窮以沈寥氣荒荒
而悲涼覽萬物之伊鬱悼芳華之彫傷嗟彼美之修能
既受命于淑良含明慧之哲性更篤靜而有方攬詩書
之要眇漱細縑之羣芳詠微詞于瑞葉篆紫石之瑤章
耀薜華之初榮灼朱霞之晨光質姝麗以玉立澹幽思
以豫康審靈妃之微笑遵玉女之輕翔曳素霓以爲衣

飲瓊華以爲漿盼青鸞而爲友指倒影以相望樂靈鷲
之獨舉羞簫聲于鳳凰玉種田而生壁駕銀河以爲梁
忽崇蘭之夕悴隕芙蓉于朝霜吳山寂而傷碧江水清
以悽愴日宛宛而易匿夜遙遙而彌長風瑟瑟以颺帷
悄餘響于虛房奉珠簾而髣髴拂明鏡而不忘詩未成
而遺錦琴罷曲而高張石竹燦于羅衣蝴蝶飛于故裳
寶鴨寒而香燼燈熒熒而照牀重日鳳朝飛兮秦月缺
雁語悲兮金徽絕朱鳥虛兮文窗銀蒜懸兮玳押人不
見兮倚欄餘粉消兮翠滅碧苔封兮履塵蕙草泣兮珮

玳幽扃閉兮歸燕驚梧桐下兮秋風冽吹繁笳兮飛落
梅梁園皓兮橫暮雪流水去兮不回花辭柯兮永別碧
海兮丹山玉樓兮銀闕人歸來兮何時思眇眇兮煩結

哭三女小鸞

沈宛君

碧天淒淒雲黯然江楓颯颯墜寒煙寒煙冥漠哀猿嘯
獨對傷心逝水浚憶爾盈盈日繞膝還愁襦結隔重川
何期泉路悲相促夜雨燈花聽杜鵑宛轉長疑閣上粧
粧臺餘韻婉清揚綵雲縹緲人何在落盡寒花樹樹霜
姊妹兄弟長號絕行雁悲鳴哀更裂頻年蠟炬幾燒殘

杯酒共傾清漏徹問天今日何參商總帷相看淚盈頰
巡簷不復笑疏香飛絮何繇題白雪撫恃深閨十七年
幽蘭明月可方妍閒時階下尋芳草靜處屏間展素箋
素箋春寫梨花句錦帳秋吟暮葉蟬折玉碎珠何太早
返魂無術心空擣月明猶自小欄杆舊日音容何處杳
空房夜夜紙窗風芭蕉獨伴霜天曉本期灼灼天桃賦
何意番成歌薤露恨極江淹亦未聞哀多庾信難堪訴
烏啼寂寂舊簾櫳衰草西風同日暮暮日寒光竹徑微
比來相見夢偏稀瑤琴彷彿臨風韻修竹蕭森怨落暉

春草春花爛熳時青樽空對憶芳姿
秋風秋月愁無語誰把瑤華寄一枝
幾度相忘錯喚名幾回耳畔恍聞聲
驚思已是亡人矣淚眼難乾祇自傾
蒼蒼白日空長歎渺渺重泉何時旦
霜露悽閨晝簾寒青缸凝碧篝香斷
梅花開兮香霏霏梅花飄兮入絳幃
景微茫兮色迷離風慘淡兮魂披靡
腸寸翦兮何所之書哀辭兮難伸悲

哭瓊章妹

葉昭齊

病裏俄驚報訃音狂風號野正淒陰
歸來哭向殘粧處冷月寒花滴淚深

別酒同傾九日前誰知此別卽千年疏香閣外黃昏雨
點點苔痕盡黯然

自喜均非脂粉羣笑談風月共羅裙可憐雁羽傷零落
庭樹蒼茫怨白雲

窗花寂寂樂初寒誰向簾前握手看風景不知人有恨
月明依舊畫欄杆

蕉冷翻風翦寸心琅玕夕照影沈沈年來分袂還惆悵
况復今朝夢裏尋

纔賦催粧卽挽章蒼天此恨恨何長玉樓應羨新彤管

留得人間萬古傷

月落青軒徹夜光寒桐冰井對銀牀
遼陽化鶴何時返
僊路無憑總渺茫

數載相依姊妹情一朝霜露別離輕
瑤琴空怨思歸引
書卷誰將再品評

雲海茫茫隔夜臺重關書掩鎖蒼苔
彩霞自逐吹笙去
玉骨千秋恨不開

黃埃蕭索草煙黏草色從今帶淚霑
斷盡迴腸難再續
漫將枯管病中拈

哭瓊章妹

葉蕙綱

憶昔紅殘綠正肥，依依離別尙牽衣。
月明曾共聯詩句，今日相思人已非。

冥漠泉臺無見期，空餘詞賦令人悲。
映階日色熏芳草，彷彿猶疑學畫時。

庭前風景倍堪嗟，疏竹淒風落暮鴉。
寂寞深閨人不到，但餘明月伴窗紗。

粧臺靜鎖向清晨，滿架琴書日覆塵。
一自疏香人去後，可憐花鳥不知春。

平生歡笑恨難追
樽酒常依落日悲
不信玉顏同物化
應隨王母赴瑤池

落木蕭蕭滿眼愁
臨風揮涕黯難收
臺前寶鏡猶懸月
縹緲芳魂若處遊

隱隱斜陽草色荒
悠悠此別更堪傷
窮泉一閉無相見
淚滴西風祇斷腸

生別那知死別難
長眠長似夜漫漫
春來燕子穿簾入
可認雕梁鎖畫寒

每自歔歔歎不平
幾回夢裏聚如生
海棠零落秋風早

獨向枝頭忽鳥聲

朝暮誰憐我自愁浮生可歎若蜉蝣思君才色真如許
一旦空隨逝水流

哭瓊章妹

葉世佺

喬林鬱蒼蒼黃鳥羣翱翔長依乳哺恩不知離別傷忽
然狂飈發一鳥忽飄揚飄揚永相隔棘心空徬徨在原
聲啾啾鬱結喟愁腸憶昔佩蘭鱗言笑呼兄妹爲歡曾
幾何鬼籙催人代惋此絕世人芳魂不可再渺忽成天
涯何處重相會思念幼時景豈不淚漣洏盈盈皓月質

纖纖濯柳姿尋花多夙慧詠絮驚人思累空鎖閣玉
顏何所歸粧臺寶鏡冷吟窗彤管垂天枝憐弱態春旂
重護持自今長別後不愁風雨吹天寒物凜冽日薄影
依稀千古北方恨獨立空吁歔不如東海鷗羣飛羽何
翻有淚空悠悠腸斷不復續瑟瑟水中蘆蕭蕭風裏竹
還似舊時吹物候獨自復昔常連袂遊今有拊棺哭寤
寐幾相聚言笑終何卜想像披塵帷殘書猶在屋燕爾
未成歡旭日詎爲胸天桃葉何綦穠李花自馥粧奩簡
遺箋盡作斷腸曲但死亦何恨所恨人事促亦知萬物

態終久離塵埃爾去得所向渺渺住蓬萊蓬萊脩且阻
春風長碧苔光陰自來往羈此脩文才薨華付流水終
古有餘哀萬族皆慘裂我復何徘徊但願從爾去猶然
得相聚舉世瓦礫鳴何如松柏墓貿貿一世人衷情誰
與訴兄弟長悽惶獨思淚如雨搔首問青天默默不得
語梧桐多悲風吹落疏香閣一去不復返不返奈何若
飲酒痛離羣花前傷寂寞陰雪欲吼天俯仰驚魂魄不
見耳目人形影俱錯愕風雨逼人悲永懷何以託造化
何鳩毒人生不得度菁華盡成灰九原不可作我今已

忘生有淚空如絡一身總是幻仰視浮雲薄

君庸舅日寫情甚真運筆澹古殊有漢魏風味少年得此可喜爲哀妹之詞又甚可傷也

挽章

張立平

孟冬月幾望寒氣何蕭瑟訃音傷我心撫景長歎息歲月如飄風一逝何嗟及伊人水中央高門毓奇質少小隨母氏從容好書帙詩賦麗管彤悠然秉清逸婉婉自天性柔嘉師女則不鄙以字余欣願在異日胡爲方請期忽焉聞示疾哀哉遽長往距期僅五日幽明隔終古天道誠茫茫不得生相識生爲參與商不得死相別相

望天一方別離尙不得何況歡樂長肅弔一遵禮筵几
餘詞章微風動遺照虛室生幽涼耳目如有遇彷彿疑
在亡日暮悲風起神形兩傍徨愁雲蔽明月衣袂霑露
光以此心慘戚悲慟摧中腸緣感諒有以生死莫相忘
文

祭甥女瓊章文

沈自徵

維崇禎五年嘉平之月越十日舅氏徵聞汝喪之後再
閱月從新安歸始得採芳芷爲殽以告於甥女葉氏小
鸞之靈日嗚呼春折穠華風摧奇萼珠沉璧碎何慘如

之夢夢彼蒼益難問矣憶余與汝母少失慈怙伶仃艱苦余雖繁兄弟然汝外祖母顧恭人所生惟汝母暨余故余猶獨子也余又艱於嗣育汝生六月襁褓而來眉目如畫宛然玉人羣從昆季見者靡不嘖嘖稱羨迨三四歲口授萬首唐人絕句及花間草堂諸詞皆朗然成誦終卷不遺一字余恆食貧雖梨粟不具而愛字有加每寒夜擁絮命汝誦詩若雛鶯弄聲睨眄不止也比甲子冬汝年九歲余以舖糜不給仗劍北走塞上汝矜不解別苦獨汝遠膝牽衣問余幾時歸余黯不能應故余